



INATSIARTUT

Ilanngussaag
Bilag |

Aatsitassanut Inatsisillu Atuutsinneqarnerannut
Naalakkersuisoq
/HER

Ulloq: 27-10-2022
J.nr.:01.33.03-00165

**UKA2022/119 akuersissuteqaqqaarnissamik tunngavilimmik pinngitsaaliilluni
atoqatiginninneq pillugu aalajangersagaq pillugu apeqqutit**

Immikkoortumik suliarinninnerminut atatillugu ataatsimiititaliaq ukuninnga apeqqutissaqarpoq.

Tusarniaanermut takussutissiami oqaaseqaatitalimmi immikkoortumut ilanngussatut ilanngunneqartumi ima allassimavoq:

"Justitsministeriamiit ilisimatitsissutigineqarsinnaavoq Danmarkimi pinngitsaaliineq pineqartillugu akuersissuteqaqqaarnissamut aalajangersakkap assingusup akuersissutigineqarneranut atatillugu naligiissitaanermut ministerip paasisitsiniaanermik ingerlatsisimanera. Aammattaaq meeqqat atuariini kinguaassiuutit pillugit ilinniartitsinerup nukittorsarneqarnissaanut aningaasaliisoqarsimavoq, tassani atuartsissummi Sundheds- og Seksualundervisning og Familiekundskabimi akuersisarneq ilaatinneqarluni.

Justitsministeriamiittaaq ilisimatitsissutigineqarsinnaavoq inatsiseqarnikkut ukiuni kingullerni Kalaallit Nunaanni pinerlineqarsimasunut ikiuineq annertusisamik ukkatigineqarmat, tassungalu atatillugu inatsimmi nr. 572, 10. maj 2022-meersumi pinerluttulerinermi suliani pinerlineqartut inatsiseqartitaanerat nukittorsaavigineqangaatsiarmat. Tamatuma saniatigut Justitsministeriaqarfik inatsiseqarnermi oqartussat allat peqatigalugit Danmarkimi pinngitsaaliilluni atoqatiginninnerit pinngitsoortinniartugit suliniutigineqarsimasunik misissuivoq, tamannalu tunuliaqutigalugu aamma suliniutinik assingusunik Kalaallit Nunaanni pilersitsisoqarnissaq aallartisarlugu. Aammattaaq maannakkut Rådet for Grønlands Retsvæsenimi eqqartuussissuserisoqartitaasinnaanermut aaqqiissummik Kalaallit Nunaanni pilersitsinissamik periarfissat eqqartorneqarput. Tamanna isumasioqatigiissitap ataatsimiinnermi kingullermi 2021-mi pisumi eqqartorneqarnikuuvoq, eqqartorneqaqqittussaallunilu septemberimi ataatsimiinnissami Nuummi pisussami 2022-mi, tassunga atatillugu pilersitsinissamut isumassarsiat saqqummiunneqassallutik."

Tamanna tunngavigalugu ataatsimiititaliaq ima apeqqutissaqarpoq:


1. Inatsisip atuutilinnginnerani allannguutitut paasitsiniaanermik aallartitsinissaq sulissutigiumallugu Naalakkersuisut saqqummiussissummi ilisimatitsissutigaat. Inatsimmut

allannguut pillugu paasititsiniaanissap imarisassaa annertussusissaalu Naalakkersuisut qanoq isumaliutigaat?

2. Kalaallit Nunaanni suliniutit attuumassuteqarsinnaasut suut aallartinneqartussatut pilersaarutaappat?
3. Apeqqutit 1 aamma 2-mut tunngatillugu suliniutinut aningaasartuutit suminggaanniit akilernerqartarnissaat naatsorsuutigineqarnersut Naalakkersuisut ilisimatitsinissaannik kissaatigineqarpoq.
4. Kalaallit Nunaanni eqqartuussissuserisoqartitaasinnaanermut aaqqissuussinermik pilersitsinissaq Naalakkersuisut qanoq isumaliutersuutigaat?

Qujareerlunga,

Inussiarnersumik inuulluaqqusillunga



Anders Olsen

Inatsisinut Ataatsimiititaliamut siulittaasoq



Inatsisartut Inatsisinut Ataatsimiititaliaanut

Ulloq: 04-11-2022
Suliap normua: 2020 - 15349

Postboks 930
3900 Nuuk
Tlf. (+299) 34 68 00
E-mail: asn@nanoq.gl
www.naalakkersuisut.gl

UKA2022/119-imut apeqqutinut akissutit

Aallaqqaasiullugu akuersissuteqaqqaarnissamik tunngavilimmik pinngitsaaliilluni atoqatiginninneq pillugu aalajangersagaq pillugu UKA2022/119-imut apeqqutit pillugit qujassuteqassaanga, apeqqutinullu tulliuuttut akissutigaa:

1. Inatsisip atuutilinnginnerani allannguutinut paasititsiniaanermik aallartitsinissaq sulissutigiumallugu Naalakkersuisut saqqummiussisummi ilisimatitsissutigaa. Inatsimmut allannguut pillugu paasititsiniaanissap imarisassaa annertussusissaalu Naalakkersuisut qanoq isumaliutigaat?

Akissut:

Isumaginninnermut Aqutsisoqarfiup pitsaaliuinnermut immikkoortortaqaarfia Paarisa, peqqissutsip siuarsarneqarnissaanik aamma isumaginninnermik peqqissutsimillu suliat pillugit suliassaqaqarfiup iluani pitsaaliuinnermik suliqaartoq, Aatsitassanut Inatsisillu Atuutsinneqarnerannut Naalakkersuisoqarfiup suleqatigiinnissamik isumaqatigiissuteqaarfiga. Innuttaasunut – ingammik inuusuttunut – kinguaasiutitigut nammineq aalajangiisinnaanerup qanoq kinguneqarnera pillugu, Sapaatip Akunnerani Sex-imi aallartinneqartussatut, ukiumi sapaatit akunnerisa arfernganni pisussatut, paasititsiniaasoqarnissaa pilersaarutaavoq, tassanilu siornatigutut kinguaassiutitigut peqqissuunissaq ukkatarineqartussaavoq. Suliassaqaqarfik pillugu Paarisa paasissutissanik attuumassuteqartunik inuusuttunit pissarsiniarluni suliqaqaleruttoq, ilaatigut GU-mi atuartut kiisalu inuusuttut Kalaallit Nunaanni inuusuttumiit inuusuttumut suliniummi ilaasimasut akornannit. Inuusuttut ilisimasaat paasissutissallu massakkut pissarsiarissallugit pisariaqartitaat sammisani paasititsiniaanermi tunngavigineqarlutik ukkatarineqartussaapput. Suleqatigiiffik Sex og Samfund-imit, Danmarkimi akuersissuteqaqqaarnissamik tunngavilimmik pinngitsaaliilluni atoqatiginninneq pillugu inatsit pillugu paasititsiniaasimasumit, paasititsiniaanermut atortut atorneqarsimasut Paarisap isumassarsivigisimavai, soorlu aamma Sverigimi inatsisip assingusup naammassineqarneranut atatillugu paasititsiniaanermut atortut atorneqarsimasut Paarisap aamma qissimigaarsimagai.

Tamatuma saniatigut atuartunut angajullernut kiisalu GU-mi atuartunut allanut, inuusuttut ilinniarfiinut allanut suliffeqarfinnullu toraarinnittunik paasisitsiniaanissaq pillugu Paarisap Ilinniartitaanermut Aqutsisoqarfik suleqatiginiarlugu aallartinniarpa. Ilinniartitsinissamut atortussanik ineriartortitsisoqareerpoq, taakkunani killiliisarnerneq peqqissumillu atoqatigiittarneq oqaasertalersorneqarput. Atortussat atuarfimmi angajullernut toraarinnipput, taakunanilu sammisaaq pillugu video-t ilaatigut ilaatinneqarput. Atortuulersinneqarnissaannut pilersaaruserneq Ilinniartitaanermut Aqutsisoqarfik suleqatigalugu ingerlanneqalereerpoq.

Naggataagut ministereqarfiup ataani oqartussaasut attuumassuteqartut aalajangersakkanik nutaanik taakkuninnga atuinissinnaanissaannut Inatsiseqarnermut ministereqarfiup piareersarniarpai. Ingammik politiini eqqartuussiveqarfinnilu sulisut uani pineqarput. Najukkani eqqartuussisut ilinniarteqqinneqarnerannut atatillugu ilinniartitsinermi taamaalilluni akuersissuteqaqqaarnissamik tunngavilimmik pinngitsaaliilluni atoqatiginninneq pillugu aalajangersaqaq pillugu saqqummiussisoqareersimavoq.

2. Kalaallit Nunaanni suliniutit attuumassuteqarsinnaasut suut aallartinneqartussatut pilersaarutaappat?

Akissut:

Apeqquut 1-imut akissut takuuk.

3. Apeqquutit 1 aamma 2-mut tunngatillugu suliniutinut aningaasartuutit suminngaanniit akilerneqartarnissaat naatsorsuutigineqarnermut Naalakkersuisut ilisimatitsinissaannik kissaatigineqarpoq.

Akissut:

Akuersissuteqaqqaarnissamik tunngavilimmik pinngitsaaliilluni atoqatiginninneq pillugu pinngitsaaliinermi inatsit pillugu kingunerisassat pillugit paasisutissiinissamut 2023-imut aningaasanut inatsisissatut siunnersuummi aningaasanik qinnuteqartoqarsimavoq. Paasititsiniaaneq allakkut kinguaassiutitigut peqqissuunissaaq pillugu paasisutissiinermut atatillugu aamma atuarfinni kinguaassiutit pillugit ilinniartitsinermi suliassat pioreersut ataaniimmat, taakkua saniatigut aningaasartuuteqassappat, aningaasartuutaasussat missingersuutit pioreersut iluannit aningaasartuutaajumaarnerat naatsorsuutigineqarpoq.


Inatsiseqarnermut ministereqarfiup atimini oqartussaasut ilinniartinneqarnerannut paasisutissinneqarnerannullu atatillugu aningaasartuutit nammineerluni akilissavai.

4. Kalaallit Nunaanni eqqartuussissuserisoqartitaasinnaanermut aaqqissuussinermik pilersitsinissaq Naalakkersuisut qanoq isumaliutersuutigaa?

Akissut:

Kalaallit Nunaanni eqqunngitsuliorfigineqartumut eqqartuussissuserisussanngortitsisarnermik aaqqissuussinermik pilersitsisoqarnissaa, aamma suliniutip taassuma pingaartinneqarnissaa, Naalakkersuisut kissaatigaat, tassani pineqarpoq eqqunngitsuliorfigineqartumut ikiuuttussatut eqqartuussissuserisussanngortitap pinerlineqartumut toqqammavigisassatut illersuisup suliassai amerlasuut assingi suliarineqartarnissai, taamaakkaluartoq inatsisilerinermut tunngasunik aamma suliassaqaarnissamut pisinnaatitaasassallutik. Tamanna Inatsisit Atuutsinneqarnerannut suliassaqaarfimmut Naalakkersuisut 2022-mut anguniagassatut takorluugaanni pingaarnersiunerannilu, immikkoortup "Inatsisitigut naapertuilluortoqarneranik misigisimaneq"-rup ataani allaaserineqarpoq. Apeqqut kingullermik Kalaallit Nunaanni eqqartuussiveqarneq pillugu Siunnersuisoqatigiit 2022-imi septembarimi ataatsimiinneranni oqaluuserineqarpoq, aamma atortuulersitsinissamut ilutsit periarfissaasinnaasut Inatsiseqarnermut ministereqarfiup suliaralugit ingerlateqqippai.

Inussiarnersumik inuulluaqqusillunga


Aqqaluq B. Egede



Aatsitassanut Inatsisinullu Atuutsitsinermut
Naalakkersuisoq
/MAANI

Ulloq: 12-11-2022
J.nr.: 01.33.03-00165

Akuersissuteqaqqaarnissamik tunngavilimmik pinngitsaaliilluni atoqatiginninneq pillugu aalajangersagaq UKA2022/119 pillugu apeqqutit

Siunnersuummut nassuiaatini ima allassimavoq: "Naatsorsuutigineqarpoq inatsisissatut siunnersuutip politiinut, unnerluussisoqarfinnut, eqqartuussivinnut aammalu pinerlutsaaliuisoqarfimmut aningaasartuutininik allisitsinissaa, tamakkiisumik 2023-mi 1,5 mio. kr-inik aammalu 2024-miit siunissamat 2,5 mio. kr-inik. Aningaasartuuteqarnerunerit annerusumik pinerluuteqarsimasunik isumaginnittoqarfimmi isertitsiviit amerlisimanerininik pissuteqarput."

Tamanna tunngavigalugu ataatsimiititaliaq imaattumik apeqqutissaqarpoq:

1. Aningaasaliissutigineqartareersuniit aningaasartuutigineruligassat
matussuserneqassanersut imaluunniit Inatsisinik Atuutsitsinermut suliaasaqarfik
aningaasaliiffigineqaqqinnissaa naatsorsuutigineqarpa?

Inussiarnersumik inuulluaqqusillunga


Anders Olsen
Inatsisinut Ataatsimiititaliami siulittaasoq



Inatsisartut Inatsisinut Ataatsimiititaliaanut

Ulloq: 14-11-2022
Suliap normua: 2020 - 15349

Postboks 930
3900 Nuuk
Tlf. (+299) 34 68 00
E-mail: asn@nanoq.gl
www.naalakkersuisut.gl

UKA2022/119-ip aningaasaqarnikkut kingunerisassai pillugit apeqqummut akissut pillugu Inatsisinut Ataatsimiititaliamut allagaq

Allakkatigut 12. november 2022 ullulernerqarsimasutigut tulliuuttoq Inatsisinut Ataatsimiititaliap apeqqutigaa:

”Naatsorsuutigineqarpoq inatsisissatut siunnersuutip politiinut, unnerluussisoqarfinnut, eqqartuussivinnut aammalu pinerlutsaaliuisoqarfimmut aningaasartuutinik allisitsinissaa, tamakkiisumik 2023-mi 1,5 mio. kr-inik aammalu 2024-miit siunissamut 2,5 mio. kr-inik. Aningaasartuuteqarnerunerit annerusumik pinerluuteqarsimasunik isumaginnittoqarfimmi isertitsiviit amerlisimanerinek pissuteqarput.”

Tamanna tunngavigalugu ataatsimiititaliap tulliuuttoq apeqqutigaa:

1. Aningaasaliissutigineqartareersuniit aningaasartuutigeruligassat matussuserneqassanersut imaluunniit Inatsisinek Atuutsitsinermut suliassaqarfik aningaasaliiffigineqarqinnissaa naatsorsuutigineqarpa?

Akissut:

2023-imut qallunaat aningaasaqarnermut inatsisissaatut siunnersuutigineqartumi, folketingimut qinersineq sioqqullugu suliarineqartumi, Kalaallit Nunaanni inatsisit atuutsinneqarnerannut suliassaqarfimmut amerlanerusunik aningaasaliinikkut aningaasartuutaanerusussusat tamakkiisumik aningaasalersorneqarnissaat piareersaatigineqarsimavoq.

Assersuutigalugu siunnersuummi politiinut aningaasaliissutit pillugitt kontumi 11.23.01-mi takuneqarsinnaavoq: *“Kalaallit Nunaanni pinngitsaaliilluni atoqatiginneq pillugu aalajangersakkap akuersissuteqaqqaarnissamik tunngavillip eqqunneqarneranut atatillugu aningaasartuutinut atassuteqartunut 2023-imi 0,3 mio. kr.-inik 2024-imiillu ukiumut 0,5 mio. kr.-inik, konto qaffaaffigineqarpoq.”*

Eqqartuussiviit pillugit kontomut 11.41.02-mut siunnersuummi takuneqarsinnaavoq: *Kalaallit Nunaanni pinngitsaaliilluni atoqatiginneq pillugu aalajangersakkap akuersissuteqaqqaarnissamik tunngavillip eqqunneqarnerata*

*malitsigisaanik pinerluttulerinermi inatsisip allanngortinneqarneranut 2023-imiit
konto ukiumut 0,3 mio.kr.-inik qaffaaffigineqarpoq.*

Aamma Kalaallit Nuunaanni Pinerluttunik isumaginnittut pineqartillugit,
amerlanerusunik aningaasaliinikkut aningaasartuutaanerusussusat
tamakkiisumik aningaasalersorneqarnissaat naatsorsuutigineqarpoq.

Inussiarnersumik inuulluaqqusillunga


Aqqaluq B. Egede